



ØYGARDEN NÆRINGSUTVIKLING

OKTOBER 2023

MÅNADSBREV

Les meir på:
www.oygarden.kommune.no/naringsutvikling/



oktober 2023


Kva skjer i Øygarden næringsutvikling?

Nok ein spennande månad er avrunda for Øygarden næringsutvikling. Hovudfokuset i oktober har vore OTD Energy, oppgåver knytt til etableringa av Framtidssamfunnet og ikkje minst opning av Hydrogenpiloten i Energiparken.

OTD Energy i Stavanger

OTD Energy gjekk av stabelen i Stavanger 18-19 oktober, og Øygarden næringsutvikling hadde rigga ein flott og inviterande stand saman med ordføraren og Vest Næringsråd. Det blei to innhaldsrike dagar med mykje besökande innom standen vår; både tilreisande med «røter» i Øygarden, besökande til messa som var nysgjerrige på kva vi gjer for å lukkast i det grøne skiftet, lokale næringsdrivande med eigen stand på messa, tilsette frå andre kommunar og fylkeskommunar, og andre messearrangørar som tykte det var flott at vi var på plass. Styreleiar i Naturgassparken Vest var saman med oss første dagen, og på ettermiddagen hadde vi appellen «Øygarden - Eit kjerneområde for satsingar i det grøne skiftet» under ei mottaking.

Dagen før OTD messa nytta Øygarden næringsutvikling i lag med Vest Næringsråd på besøk hos Stavangerregionen Havn. Her vart vi særskilt godt tatt i mot av forretningsutviklarar for hamna, Eivind Hornnes, CEO i Westport, Kristian Løvaas, og Gry Isabel Sannes, nærings- og reiselivssjef i Sola kommune. Dei tre i kombinasjon delte informasjon om korleis dei får privat – offentlege samarbeidsmodellar til å fungere, korleis dei driftar ei effektiv hamn, og korleis dei samlar aktørar til samarbeid om moglegheiter. I tillegg delte dei kunnskap om standardiseringar i hamneområdet, og synergi- og logistikkarbeidet rundt drifta og leigetakarar i hamneområdet.



Vest Næringsråd
1 712 følgjere
Ta +

Øygarden i Stavanger!

Vi i Vest Næringsråd har vore på OTD Energy denne veka, kor vi har hatt felles stand med Øygarden næringsutvikling KF og Øygarden kommune. Vi har hatt mange gode samtalar med besökande som er interesserte i næringslivet i Øygarden og alt som skjer av utvikling her.

Onsdag ettermiddag hadde vi mottaking på standen! Anders Ekanger leia ein kort panel samtale, kor Tom Georg Indrevik, Hanne Misje Lokøy, Atle Dåvøy og Karin-Anne Landro snakka om korleis lokalt næringsliv og kommunen tar ein posisjon i den grøne omstillinga.

Vi serverte også lokale smaksprøvar. Takk til Sotra Fiskeindustri AS for røykelaks av beste kvalitet!





oktober 2023

Kva skjer i Øygarden næringsutvikling?

Grøn Hub Vest og vidareføring av fellesprosjekt

Under KS sitt frukostmøte for fylket sine nyvalde ordførarar og kommunedirektørar blei eg bedt om å halde eit innlegg om kva betydninga av arbeidet med Grøn Hub Vest har hatt for Øygarden, og samarbeidet opp mot fylkesadministrasjonen. Samarbeidet med Grøn Region Vestland og VLFK har vore ein viktig innsatsfaktor for det systematiske arbeidet om det grøne skiftet for Øygarden.

Å få næringslivet til å kople seg på er eit langsiktig arbeid, men vi ser resultat i form av at fleir og fleir aktørar koplar seg på fellesprosjekta som er satt i gong.

Kort status på igangsatte prosjekt:

1

Vindvest prosjektet er godt i gang. I løpet av oktober har det vore gjennomført *kick off* med arbeidsgruppa, og ein er godt i gang med å intervju alle deltakarane. Prosjektet blir svært godt mottatt.

2

Biogassanlegget som vert utreia på Skaganeset fekk omtale på iLaks.no; [Grøn symbiose på Sotra](#). Link til moglegheitsstudiet ligg midt i artikkelen og eg er blitt kontakta av fleire i ettertid som har gratulert med arbeidet og som ønskjer å kopla seg på dersom mogleg.

Opning av hydrogenpilot

23. oktober opna hydrogenanlegget H2 Production i Energiparken – ein historisk dag for Øygarden (og verda for øvrig), då dette er det første i sitt slag i verdssamanheng.

Dette er ein viktig del av det grøne skiftet, og Fredric Hauge frå Bellona understreka under opninga kor viktig del hydrogen er av løysinga for rein energiproduksjon.

Administrasjonen i Øygarden næringsutvikling kunne diverre ikkje vere tilstades under sjølvre opninga, men har medverka CCBEnergy Holding og Zeg Power i forkant av opninga, med å blant anna fasilitere for at arrangementet kunne finne stad i kultursalen på Rong. Opninga har fått mykje mediedekning, i sær på LinkedIn.



Foto: Vigleik Brekke





oktober 2023

Kva skjer i Øygarden næringsutvikling?

Ein ny arena for næringsutvikling vert skipa i Øygarden

Oktober starta med styremøte i Øygarden næringsutvikling der kommunedirektøren orienterte om initiativet «Framtidssamfunnet». Framtidssamfunnet er ein ny arena under etablering der næringsutviklinga skal intensiverast for å ta ut potensialet i det grøne skiftet. Arenaen skal og nyttast til å utvikla heilskaplege og innovative velferdstenester. I tillegg er målet at Framtidssamfunnet skal vere ein arena for uttesting av ulike framtidsrelaterte og til dels kompliserte problemstillingar som ein må fanga og løyse i fellesskap. Mykje av tida i oktober har gått med på å vere med i prosessane kring utforminga av Framtidssamfunnet.



Framtidssamfunnet er meint å styrkja satsing på næringsutvikling i kommunen, der ein tettare vil knyta næringsliv, akademia, finans og frivilligheita saman kytt til utfordringar ein står saman om i framtida.

Anna frå oktober

Utover høgdepunkta trekt fram har oktober bestått av mange mindre møter som kan bere frukter på sikt, både når det kjem til interesser frå investormiljø i Bergen, moglegheit for ulike samarbeid med Vilvite, planlegging av arrangement under One Ocean week 2024, Invest in Bergen med fleir.

Med ny politisk leiing i kommunen og nytt forslag til budsjett ute er det duka for at mykje spennande skal skje framover. Det er berre å halda erma oppbretta til det beste for utviklinga i kommunen vår.

Framleis god haust til alle!



Helsing Hanne

